

10.03.2026 17:41



Հարգելի՛ գործընկերներ,

ՀՀ փաստաբանների պալատը նախատեսում է 2026 թվականի ապրիլի 25-26-ին անցկացնել փաստաբանական գրասենյակների էքսպո-ցուցահանդես՝ Գիտությունների ազգային ակադեմիայի նախագահության շենքում (ք. Երևան, Բաղրամյան պող., 24):

Էքսպո-ցուցահանդեսի մասնակից փաստաբանական գրասենյակներին հնարավորություն կտրվի համաֆինանսավորմամբ ներկայանալ առանձին տաղավարով՝ ներկայացնելով իրենց և մատուցվող ծառայությունների շրջանակը: Մասնակից յուրաքանչյուր գրասենյակ ազատ է իր տաղավարի ձևավորման և ներկայացման մեջ:

Միջոցառման շրջանակներում կազմակերպվելու են աշխատաժողովներ, քննարկումներ, սեմինարներ միջազգային գործընկերների մասնակցությամբ:

Էքսպո-ցուցահանդեսին կարող են մասնակցել փաստաբանական գրասենյակները, որոնք ՀՀ փաստաբանների պալատի նախագահի 25.09.2019թ. թիվ 383-Լ որոշմամբ հաստատված կարգի պահանջների համաձայն հաշվառված են Պալատի պաշտոնական կայքէջում (advocates.am) և ունեն փաստաբանի կարգավիճակ ունեցող երեք և ավել աշխատակից: Մասնակից գրասենյակների հնարավոր քանակը՝ տեխնիկական հնարավորությունների հաշվառմամբ, սահմանափակ է: Հետևաբար նախապատվությունը տրվելու է ավելի վաղ դիմած փաստաբանական գրասենյակներին: Մասնակից փաստաբանական գրասենյակների միջև տաղավարների բաշխումը կատարվելու է վիճակահանությամբ:

Միջոցառման վերաբերյալ Պալատն իրականացնելու է տեղեկատվական արշավ հանրության հնարավորինս լայն շրջանակներում իրազեկում ապահովելու համար: Այդուհանդերձ, միջոցառման վերաբերյալ հետաքրքրությունն ավելացնելու նպատակով նախատեսվում է, որ Պալատի հետ համատեղ կամ առանձին, փաստաբանական գրասենյակները կիրականացնեն ակցիաներ:

Հաշվի առնելով նախանշվող ծավալը՝ նախապատրաստական աշխատանքները կազմակերպվելու համար, Փաստաբանական գրասենյակների էքսպո-ցուցահանդեսին մասնակցելու ցանկություն ունենալու դեպքում խնդրում ենք մինչև 2026թ. մարտի 17-ը ներառյալ

հայտագրվել հետադարձ հաղորդագրությամբ:
Մանրամասների համար կարող եք կապ հաստատել
ՀՀ փաստաբանների պալատի ֆինանսական տնօրեն
Անդրանիկ Մարգարյանի հետ (հեռ. +374 43 888 588)
:

Ցուցահանդեսին մասնակցելու համար
փաստաբանական գրասենյակը պետք է ներկայացնի
ստորագրված դիմում՝ կցելով փաստաբան
հիմնադիրների (մասնակիցների) վերաբերյալ
ապացույց (ՍՊ-ների դեպքում՝ կանոնադրության
պատճենը, բաժնետիրական ընկերությունների
դեպքում՝ ռեեստրի քաղվածքը), փաստաբան
աշխատակիցների վերաբերյալ ապացույց:

Էքսպո-ցուցահանդեսի հիմնական նպատակները՝

- **Փաստաբանական գրասենյակների
վերաբերյալ տեղեկատվության տարածում և
հաճախորդների ներգրավում,**
- **Փաստաբանական գրասենյակների մշակույթի
ձևավորում,**
- **Փաստաբանական ծառայությունների
պահանջարկի բարձրացում,**
- **Կորպորատիվ համագործակցության խթանում
և հաճախորդների ներգրավում,**
- **Համագործակցության խթանում հանրություն-
փաստաբան, հանրություն-փաստաբանական
գրասենյակ, փաստաբան-փաստաբան,
փաստաբան-փաստաբանական գրասենյակ,
ինչպես նաև փաստաբանական
գրասենյակների միջև:**

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })